

# ଉତ୍କଳ

№12, 2015



# ნაძვის ხეზე დასასვლელი ღელესეზი

## ლელა მატრეველი

### სახალწლო წაცვრა

დეკემბერი მიილია, მთა და ბარი დათოვა, წინ ახალი წელია და ზეიმი და გართობა. თოვლის პაპა საჩუქრების ფერად კრებულს განაგებს, ჩვენს წერილებს კითხულობს და დიდ ხურჯინში ალაგებს: ვისთვის წიგნს და ვისთვის ბურთს და ვისთვის ლამაზ თოჯინას, მეც მოველი მოუთმენლად, გადავიქეც ლოდინად. მეშინია, არ გამოვრჩე იმ მარხილით ქროლაში, ნეტავ, ჩანთა მომიტანოს – ჩქარა წავალ სკოლაში.

## ნათია ჯანაშია

### როდის მოვა თოვლის პაპა

მაშინ, როცა დეკემბერი წავა, გზას დაუთმობს იანვარს და თოვას, პატარებო, ახალი წლის ღამეს თოვლის პაპა საჩუქრებით მოვა.

ყველაფერი დაუჯერეთ მშობლებს, სწავლით გული გაუხარეთ, თორემ თოვლის პაპა ურჩ და ზარმაც ბავშვებს, დამიჯერეთ, უსაჩუქროდ ტოვებს.

## მანანა ქურდაძე

### ცყის ზეიმი

ცყის ბინადართ გადნევიტეს, ერთად შეხვდნენ ახალ წელს: დიდი ნაძვი შეარჩიეს, მორთეს, სუფრაც გაანყვეს; ყველა ერთად შემოუსხდა, საახალწლო მაგიდას, ყველაფერი უზვადა აქვთ, თქვი, ოლონდაც, რა გინდა. დრუნჩამ ცეკვა გააჩაღა, დაძუნძულებს ბურღლუნა, ბაჭია კი ისე დახტის, ლამის ფეხმა უმტყუნა. ზღარბი დინჯად გადახედავს ამ ონავარ ყმანვილებს, მერე თვითონ ხელმძღვანელობს, საცეკვაოდ აწყვილებს. მოილხინეს საახალწლოდ – გული კარგად იჯერეს, მერე სახლებში წავიდნენ, დედიკოს დაუჯერეს.

## მაია ნიზნაძე

### ახალი წელი ცყეები

ახალი წლის ღამეა, ციმციმებენ სანთლები, მგელთან სტუმრად მიდიან ჟირაფი და დათვები.

მგელმა თავი გამოყო, მომივიდნენ სტუმრები, კორდზე დავლურს უვლიან, მაჩვები და ტურები.

ციყვი გირჩს ახრამუნებს, ნაზუქს აცხობს მელია, ტურა შვილებს უმღერის, ოდელია, დელია.

მხიარულობს მთელი ცყე, ცეკვავენ და მღერიან, ულოცავენ ერთმანეთს, ყველა ბედნიერია.

## ლელა ცუცქირიკა

### დამ-დაირა

– დამ-დაირა, დალულ-დული, – დათვის ბელი დავლურს უვლის.

– უი, მაგას რა ვუთხარი, როგორ კვანავს თანაც თათებს, ჰგონია, რომ ბალეტს ცეკვავენ, პუანტებით დათანთალებს.

## ვასილ გულუშრი

### სპილო

ყველა სპილოს შეჰყურებს, საზეიმოდ მორთულს – სამკაული უმშვენებს ყურებსა და ხორთუმს. მძივს იკიდებს ეშვებზე ქალბატონი სპილო... საყურეა შვიდი და მძივი – ათი კილო.

მხატვარი  
იულია ნიკოზოსოვა

# წრიპისა და წრუპის ყჩვეყლოდ თბილი ზამთარი

წრიპი და წრუპი პატარა თავუნები არიან, ტყუპი ძმები. წრიპის ძალიან უყვარს წრიპინი, ამიტომ დაარქვა დედამ ეს სახელი. წრუპის კი საქმლის წრუპვა უყვარს. რაც უნდა ჭამოს, ყველაფერს წრუპვით სანსლავეს, ამიტომაც დაარქვეს წრუპი.

ძმებს ძალიან უყვართ ერთმანეთი და სულ ერთად არიან. ისინი ერთი ცხრასართულიანი სახლის სარდაფში ცხოვრობენ.

ბევრი არაფერი აბადია მათ ოჯახს: საკუჭნაო, სადაც ძალიან იშვიათად თუ შეინახავენ მარაგს, მამა თავის მოტანილი ძონძები, რაზეც დაღლილები რიგრიგობით იძინებენ, და ძველი, გვერდებჩამოტვრეული თიხის ქოთანის, რაშიც მილიდან გამოჟონილი წყალი გროვდება.

მერე რა მოხდა?! პატარები არ დარდობენ იმაზე, რომ ბევრი არაფერი აბადიათ. როცა გაიზრდებიან, დედ-მამას დაეხმარებიან, და უგროვებენ ზამთრის მარაგს, მოიტანენ ძველმანებს, რომ ყველას ეყოს დასაწოლად. იქნებ, უკეთესი საცხოვრებელიც კი შეარჩიონ – თვითონ საშოვარზე წავლენ, დედა და მამა კი მათ ლოდინში უსაფრთხოდ იქნებიან.

მაგრამ ამისთვის შრომაა საჭირო...

ძმები უკვე წამოიზარდნენ და დამოუკიდებლად შეუძლიათ საკვებისთვის გაძრომ-გამოძრომა. დილაადრიანად გადიან, თან დედის დარიგება მიჰყვებათ კუდში: აბა, თქვენ იცით! ფრთხილად იყავით, სადმე კატას არ გადააწყდეთ, რკინის ნივთებს მოერიდეთ, ცხვირიც არ შეჰყოთ შიგ, მახე ექნებათ ადამიანებს დაგებული და მერე ვერაფერი გიშველით!

იციან თავუნებმა უკვე, რა საფრთხეც ემუქ-

რებათ, მაგრამ მგლის შიშით ცხვარი ვის გაუწყვეტია?! თუ შეეშინდებათ, მარაგს კი არა, საკვებსაც ვერ იშოვნიან. სიფრთხილე კი, ნამდვილად, აუცილებელია! ისინიც ფრთხილად მიუყვებიან ბნელ ხვეულებს, თვალები ფართოდ აქვთ გახელილი და ცხვირების ცმაცუნით, ჰაერის ყნოსვით შორიდანვე გრძნობენ, რომელ ბინაში ჯობს შეძრომა, საიდან შეიძლება უფრო მეტი საკვების გამოტანა.

თავიანთი მოხერხებულობით მრავალჯერ დაუძვრენიათ თავი სხვადასხვა განსაცდელიდან და სხვებსაც დახმარებიან.

ერთხელ, ახალი წლის წინა ღამით, ერთ-ერთ სართულზე ძმებმა დამტვრეული კაკლის ერთ დიდ თასს მიაგნეს და სიხარულით დაფაცურდნენ. რაც შეიძლება მეტი ნიგვზის გატანა უნდა მოესწროთ დილაამდე ისე, რომ ვერავის შეენიშნა. ისინიც ხომ ხელხვავიანად უნდა შეხვედროდნენ ახალ წელს! ჯერ ხვრელში შეჰქონდათ, იქ აგროვებდნენ, შემდეგ უფრო უსაფრთხოდ იქნებოდა მარაგის ჩატანა სარდაფში.

თასი თითქმის რომ გაანახვერეს, წრიპიმ ძმას ჩუმად ჩაუწრიპინა:

– წრუპი, გვეყოფა, წავედით. მალე ინათებს და შეიძლება შეგვნიშნონ.

წრუპი უსიტყვოდ მიჰყვა. ხვრელის იქით ნიგვზების პატარა გორა იდგა, კარგად ემუშავა ორივეს – სულ დარჩეული ნიგოზი გამოერჩიათ კაკლის ნაჭუჭიდან. წინ წაგდებული საქმე გამოუვიდათ: დედ-მამას აღარ მოუწევდა კაკლის მტვრევა და ნიგვზის გამორჩევა.

ახლა სარდაფში უნდა ჩაეზიდათ. ეს უფრო რთული საქმე იყო, თუმცა მოხერხებულ-

მა ძმებმა კარგად იცოდნენ ყველა ხვრელი და საიმედო გზა აირჩიეს. დინჯად ეზიდებოდნენ, აღარ ჩქარობდნენ – აქ მათ საფრთხე არ ელოდათ.

კარგად იშრომეს. ორი გზობა ექნებოდათ დარჩენილი, რომ უეცრად ერთ-ერთი ბინიდან სანყალობელი წრიპინი შემოესმათ და გაშემდნენ. ყურებდაცქვეტილებმა ჯერ ერთმანეთს გადახედეს, შემდეგ კი ერთდროულად შეძვრნენ იმ ხვრელში, საიდანაც ხმა ისმოდა.

როგორც კი თავი შეეყვეს ოთახში, შეამჩნიეს მოზრდილი ხაფანგი, რომლის ნახვრეტიდან ცხვირი გამოეყო მათ ნაცნობ თავს და შველას ითხოვდა.

წრიპი სწრაფი და საზრიანი იყო, წრუპი კი გონებადინჯი. სანამ წრუპი რამეს გადაწყვეტდა, წრიპს საქმე უკვე დამთავრებული ჰქონდა. ახლაც ასე მოხდა: წრიპი მივარდა ხაფანგის კარის მავთულს, კბილებით ჩაეჭიდა და მოქაჩა. თენდებოდა და რაც შეიძლება მალე უნდა გაეთავისუფლებინათ ტყვე, თორემ გაიღვიძებდნენ ადამიანები და, მტერს, რაც მათ დაემართებოდათ! წრუპი კი იდგა და ფიქრობდა, რა გაეკეთებინა, რომ საბრალოს დახმარებოდა. უცებ მასაც გაუნათდა გონება, კარის ღრიჭოში ცხვირი შეეყო, მაგარი კბილებით კიდეს მოეჭიდა და გამოწია.

ორივეს ძალისხმევით კარი აინია, წრუპი შიგნით შეძვრა და ახლა იქიდან მიაწვა მთელი ძალით. აი, აქ კი შეცდომა დაუშვა: მართალია, დატყვევებულმა თავმა მოახერხა ხაფანგიდან თავის დაძვრენა, მაგრამ წრუპი შიგნით ჩარჩა. კარი მძიმე იყო და ისევე ჩაიკეტა. წრიპი გამწარდა, მთელი ძალით მოეჭიდა მავთულს, მაგრამ ძვრაც ვეღარ უყო. განთავისუფლებულ თავს მიაძახა:

– დამეხმარე, ღრიჭოდან მოქაჩე, როგორც წრუპიმ გააკეთა, ორივე უფრო მოვერევი, მე მარტო ვერ ავწევ.

თავი დაფიქრდა, შეშინებულმა გაიხედ-გა-

მოიხედა, ცხვირი გაურკვეველად გააცმაცუნა და ადგილიდან ისე სწრაფად გაუჩინარდა, განსაცდელში ჩავარდნილმა ძმებმა თვალის კი ვეღარ შეასწრეს.

თავის საქციელმა ძმებს გული ატკინათ, თუმცა რაღა უნდა ექნათ? თვითონ უნდა ეშველათ საკუთარი თავისთვის, მაგრამ როგორ?

წრუპი მთელი ძალით აწვებოდა კარს, რამდენჯერმე დაეჯახა კიდეც, მაგრამ ვერაფერს გახდა. მავთულისა და ღრიჭოს ერთდროული გამოყენებით კარი გარედან უფრო ადვილად გაიღო, წრიპი კი მარტო ვერაფერს გაანყობდა, ორივეს ერთად ვერ მისწვდებოდა. დალოდნენ ძმები. წრიპიმ ნახვრეტიც ცხვირი შეეყო და ძმას წასჩურჩულა:

– ნუ გეშინია, არ მიგატოვებ! ან გაგათავისუფლებ, ან შენთან დავრჩები!

წრუპიმ საცოდავად ააცმაცუნა ცხვირი, ყურები ჩამოყარა და აცახცახებული კუთხეში მიიკუნჭა.

– დავილუბე, წრიპი! – და ცრემლი ჩამოუგორდა.

წრიპიმ კიდეც ერთხელ ცადა კარის ადგილიდან დაძვრა, მაგრამ არაფერი გამოუვიდა, თავი ჩალუნა, ხაფანგის კედლის გარეთ წრუპს გვერდით მიუცუცქდა და ბედს დამორჩილდა.

წრუპიმ ნახვრეტიდან გამოხედა, ამოიოხრა და თუმცა დანანებით, მაგრამ გულით სთხოვა:

– გეხვეწები, წრიპი, წადი. შენ მაინც უშველე თავს! დედიკო და მამიკოც ხომ ცოდონი არიან, სულ მარტო დარჩებიან!.. ალბათ, როგორც გველოდებიან!..

– არა, – მტკიცედ მიუგო წრიპიმ, – ვერ მიგატოვებ! დედას ხომ ხშირად უთქვამს ჩვენთვის: განსაცდელის დროს ერთად უფრო მოძებნით გამოსავალს, ცალ-ცალკე კი აუცილებლად დაიღუპებითო. სადაც შენ, იქაც მე!

გათენდა. გულაფართხალებული ძმები უცდიდნენ, როდის მოაკითხავდნენ ადამიანები და რა ბედი ეწეოდათ. ამ ლოდინში მზეც ამოვიდა.



ფანჯრიდან შემოფრქვეული სხივები სამზარეულოს კედლებზე ათამაშდნენ, აცეკვდნენ, ზამთრისთვის უჩვეულო სითბო შემოიტანეს.

– რა კარგი იქნებოდა, ახალ წელს ერთად რომ შევხვედროდით!.. რამდენი თხილი და კაკალი გვაქვს მომარაგებული, დედამ ბრჭყვი-ალა ბურთებიც მოიტანა... რას გავერთობო-დით! – ამოიქვითინა წრუპიმ.

– თან არც ცივა! – წრიპი თავის შეკავებ-ბას ცდილობდა, მაგრამ ხმა მაინც უთრთოდა ყელში მონოლილი ცრემლებისგან. – ნეტავ, რა გველოდება?

უცებ ფეხის ხმა გაისმა. ორივე შეხტა. წრუ-პი ძმის მხარეს კედელს მიასკდა, თითქოს წრი-პის უნდა ჩახუტებოდა, მაგრამ ცივ კედელს წაანყდა და იმედგაცრუებული, ღონემიხდილი იქვე ჩაჯდა. არც წრიპი იყო უკეთეს დღეში, ისიც ცახცახებდა. მას კიდევ შეეძლო გაქცევა, თავის გადარჩენა, მაგრამ ძმის სიყვარული არ უშვებდა.

– ერთი ამათ დამიხედეთ!..

ქალი გაოცებული უყურებდა თავგებს.

– ასეთი რამ ჯერ არ მინახავს!.. ერთი თავვი დაუჭერია ხაფანგს, მეორე კი გვერდიდან არ სცილდება... რაო, ერთად გინდათ ყოფნა? ძა-ლიან კარგი! მაშ, ერთად იქნებით...

ქალმა კუდიტ დაითრია შიშისგან თვალ-დახუჭული წრიპი, ხაფანგი აატრიალა, კარი სწრაფად გააღო და წრიპსაც შიგ შეუძახა.

– ისხედით ერთად, მაინც ერთად ყოფნა გინდოდათ! – დამცინავად უთხრა ქალმა, – ცოტა ხანი მაცალეთ და მოგივლით! თუმცა ძალიან მეზარება თქვენი გულისთვის ამ დი-ლაადრიან ქვევით ჩასვლა.

თავუნები ერთმანეთს ჩაეხუტნენ, მაგრამ ქალს ეს არც დაუნახავს და, კიდევ რომ დაე-ნახა, არც ინაღვლებდა.

ტყვეობის წუთები საუკუნედ მოეჩვენათ შიშისგან ღონემიხდილ ძმებს. ორივეს დაძა-

ბული ჰქონდა გონება, თავის დახსნის გზებს ეძებდნენ, კარს მთელი ძალით აწვებოდნენ, მაგრამ გამოსავალი არ ჩანდა.

– მაინც არ დავნებდეთ, წრუპი, იქნებ, ბო-ლო წუთებში გამოჩნდეს გადარჩენის გზა! – ძმის გამხნელება ცადა წრიპიმ.

წრუპის თვალებში წამიერად გაიელვა იმედმა, მაგრამ მალევე ჩაქრა და ჩაიფერფლა. ძმებმა ისევ ჩამოყარეს ყურები.

და აი, გამოჩნდა ეს შეუბრალებელი ადამი-ანი, დაავლო ხელი ხაფანგს და გაურკვეველი მიმართულებით წაიღო. დაბნეული ძმები ხან ერთმანეთს ეხლებოდნენ, ხან კედლებს.

– კარგად მომეჭიდე, წრუპი! – გააფრთხი-ლა წრიპიმ, თუმცა წრუპის გაფრთხილება აღარ სჭირდებოდა, უკვე კბილებითაც ებლაუ-ჭებოდა ძმას.

– თქვენი გულისთვის ქვევით ვერ ჩავალ... აბა, იფრინეთ აქედან! არა მგონია, მიწამდე სული ჩაგყვეთ... – ჩაიცინა ქალმა, კარი გა-აღო, ხაფანგი კარგად დაიქნია და თავუნები მეექვსე სართულის აივნიდან ძირს გადაყარა, თან – თუ გადარჩებით, ალალი იყოსო! – მია-ძახა.


დაბნეულ ძმებს უცებ გონება გაუნათდათ.

– აბა, შენ იცი, ხელი არ გამიშვა... ერთად უფრო გადავრჩებით!.. ქვევით ბურქია, წრუპი, ბურქია... – ძლივს მოასწრო მინისკენ მქროლავ-მა წრიპიმ ძმის გაფრთხილება, რომ ფრენა დას-რულდა და ორივე, ერთმანეთს ჩაბლაუჭებული, ბურთივით დამრგვალებულები, ჯერ ბურქზე დაეცნენ, შემდეგ კი მიწაზე გაგორდნენ.

ყველაფერი დამთავრდა.

გვერდებზეთეთქვილმა თავუნებმა ტკივი-ლი არაფრად ჩააგდეს, სწრაფად წამოხტნენ და სარდაფში მიიმალნენ.

იმ ღამეს ახალი წელი თენდებოდა – კაკლი-სა და თხილის დიდი მარაგითა და ბრჭყვიალა ბურთულებით.



მხატვარი  
ვასილ ქურხული



მიხეილ ხარიტონაშვილი

მამოცანები

\*\*\*  
 სიცივეში მშვიდია,  
 სიცხეში კი ტირის  
 არც ხელი აქვს, არც ფეხი  
 არც თავი, არც პირი,  
 სარკესავით პრიალებს  
 სხეულმოვერცხლილი.  
 (.....)

\*\*\*  
 გული აქვს ცეცხლის  
 და ცეცხლის თვალი,  
 აგურის თავი,  
 აგურის ტანი.  
 (.....)

\*\*\*  
 გავახარებ პატარებს,  
 მოვალ თეთრი ნაბდითა,  
 გაზაფხულის მოსვლაზე  
 ჩამოვდნები დარდითა.  
 (.....)

ბენიკ კეკელიძე

# უფლის ლაქი

დაღალაქრო გოგონებო, კრიჭმაჭუნა ბიჭუნებო,  
ლოყებუშტა, დაჭორფლილო, თვალნატულა გოჭუნებო,  
გოზინაყით დაშაქრულნო, ფელამუშით მოთხრილეხო,  
ჩენი უფლის დღეობაა, ისაღისეთ, გულთბილეხო!

იცეკვეთ და გაიღაღეთ, თოვლის ჰაზა ისმეთ თქვენთან,  
შობა გავვითენდებაო – ილიღინეთ ნამვის სესთან,  
კანფეტებით ჩატკებარუნღით საანაღწლო საჩუქრებთან,  
ჩაროზით და ჩურჩხელეებით იმასზინღლეთ მეგობრებთან.

ფანჯარასთან, საღთღით სელში, შეეგებეთ ქრისტეს შობას,  
ანგელოზი გესტუმრებათ და გავიწვეთ მფარველობას,  
დამიკოცნეთ ბებიები, არც ბაბუებს აკლოთ რამე,  
მშობლებს ბევრი ეაღწესეთ, მიუღოცნეთ შობის ღამე.

ლოყებუშტა დაჭორფლილო, თვალნატულა გოჭუნებო,  
გოზინაყით დაშაქრულნო, ფელამუშით მოთხრილეხო,  
დაღალაქრო გოგონებო, კრიჭმაჭუნა ბიჭუნებო,  
ჩენი უფლის დღეობაა, გაინარეთ, ღვთის შვილეხო!

მნატვარი  
მარია  
სუვატაშვილი



# ფრიდონა

ფრიდონას მამა ჯარში მსახურობს – ჯარის ბიჭებს ტანკის მართვას ასწავლის. ამასწინათ მამა შვეებულებით რომ მოვიდა, ფრიდონას მუყაოს ყუთში შეფუთული მწვანე ფერის, ცელულოიდის ტანკი მოუტანა. ბიჭმა გაიხარა, ტანკს თოკი გამოაბა და ეზოში არბენინა – ბრუნავდა ტანკის კოშკურა, მასთან ერთად ბრუნავდა ბურატინოს ცხვირით აბზეკილი ქვემეხის ლულა და იმისთანა ტრახტრახის ხმები ისმოდა, შეშინებულმა კატებმა და ძაღლებმა სადარბაზოებს შეაფარეს თავი.

ფრიდონამ ახალი წლის წინა დღესაც ჩაიტანა ეზოში თავისი ტანკი, დრო რომ ჩქარა გასულიყო და ახალი წელი დამდგარიყო. კარგა ხანს ითამაშა, მხოლოდ მაშინ გაუშვა ხელი ტანკზე გამობმულ თოკს, როცა ზედა სართულიდან ხვთისავარ პაპამ გადმოსძახა, ამოდი,

ვისადილოთო. სწორედ ამ დროს ეზოში მოტოციკლი შემოგრიალდა, ფრიდონაანთ სახლის წინ, სადარბაზოსთან გაჩერდა, იქიდან შავსათვალისანი, თავზე მუზარადჩამოფხატული კაცი გადმოვიდა, თავიდან შავსათვალისანი მუზარადი გადაიძრო, მოტოციკლის საჭეზე დაკიდა და იქვე მდგომ ფრიდონას ჰკითხა:

– ძმაკაც, ამ სადარბაზოში ვინმე მოქალაქე ფრიდონა ცხოვრობს?

კაცმა ფრიდონას სახელი რომ ახსენა, გაკვირვებულმა ბიჭმა თავი დაუქნია:

– ცხოვრობს, ძია!

– შენ გაზრდას, მიდი, დაუძახე, რა! – სთხოვა ფრიდონას იმ კაცმა და მოტოციკლის საბარგულში რაღაც ქაღალდებს დაუნყო ქექვა, მერე იქიდან ერთი ბეჭედდასმული ქაღალდი და დალუქული კონვერტი ამოიღო.

მხატვარი  
**გიორგი ჩაჩანიძე**



– ფრიდონა მე ვარ, ძია! – თქვა ბიჭმა და გული ჩიტივით შეუფრთხილდა, დედამისი სწორედ ისეთ წერილებს იღებდა მამიკოსგან, იმ კაცს რომ ეჭირა ხელში.

– კარგია, ძმაკაც, აქ რომ დამხვდი და მაღლა სართულების კიბეებზე არ მომიხდა ციყვივით ხტომა, – თქვა იმ კაცმა და ფრიდონას ხელი ჩამოართვა, გაეცნო.

– მე ფოსტალიონი ვარ, წერილებს ვარიგებ. აი, ერთი წერილი შენც მოგიტანე! – ფოსტალიონმა კონვერტზე წარწერას დახედა და იკითხა:

– ძმაკაც, ჯარში ვინმე გყავს?

– მამა იქ მსახურობს, ჯარის ბიჭებს ტანკის მართვას ასწავლის! – სხაპასხუპით მიუგო ფრიდონამ – მოთმინება აღარ ჰყოფნიდა, ხელში როდის ჩაიგდებდა წერილს.

მაგრამ ფოსტალიონი არ ჩქარობდა. მან ბიჭს ბეჭდიანი ქალაღი უჩვენა:

– ხედავ, აქ, საფოსტო წესდების მიხედვით, შენი ხელმოწერაა საჭირო.

„აი, ხათაბალა თუ გინდათ, ეს არის“ – გაიფიქრა ფრიდონამ და ძლივს გასაგონად წაიბურღლუნა:

– წერა რომ არ ვიცი, ძია?

– არ იცი? – გაუკვირდა ფოსტალიონს. – ძმაკაც, რამდენი წლისა ხარ?

– ოთხის, ჯერ ბაღში დავდივარ!

– აბა, რა ვენათ, ამ ქალაღზე ხელი თუ არ მოაწერე, ისე წერილს ვერ ჩაგაბარებ – საფოსტო კანონებს ვერ დავარღვევ!

ფრიდონამ ამოიოხრა. ბრაზი მოსდიოდა, რომ წერა არ იცოდა.

უცებ ფოსტალიონმა ჰკითხა:

– შენ ეს მითხარი, ხატვა თუ იცი?

– ბაღში ტანკებსა და თვითმფრინავებს ვხატავ, თუ გინდათ, ტანკს დაგიხატავთ, – შესთავაზა ფრიდონამ.

ამის გაგონებაზე ფოსტალიონი ისე დაიღმიჭა, თითქოს მწარე წამალი გადაეყლაპოს. უარის ნიშნად თავი გადააქნია.

– ნწუ, ქალაღზე ხელმოწერის ნაცვლად ტანკი გინდა დახატო? არ გამოვა. იცი რა, ძმაკაც, მოდი, შენი გვარ-სახელის გასწვრივ ჯვარი ჩახატე და ამით მოვრჩეთ! – ფოსტალიონმა მოტოციკლის საბარგულზე ქალაღი დადო და ფრიდონას ხელში კალამი მიაჩეჩა.

ბიჭმა მინიშნებულ ადგილზე ჯვარი ჩახატა და იკითხა – ერთი ჯვარი ეყოფა?

– ეყოფა! – ფოსტალიონმა ქალაღი აიღო, დახედა და თქვა:

– საფოსტო წესდების ყველა კანონი დაცულია, ვერავინ შეგვედავება! – ქალაღი მოტოციკლის საბარგულში ჩადო, ფრიდონას წერილი მისცა და შავსათვალისანი მუზარადი თავზე დაიხურა, ბიჭს გამომშვიდობების ნიშნად ხელი აუწია და მოტოციკლის ხმაურში შესძახა:

– ნახვამდის, კარგო ბიჭო, ლამაზი ახალი წელი იზეიმე!

მოტოციკლი ტრახტრახით მიეფარა თვალს.

ფრიდონამ მამის წერილი მკერდზე მიიხუტა და სადარბაზოში შეიბრინა. უცებ წინ ხვთისავარ პაპას შეეფეთა, ბიჭი რად იგვიანებს, სახლში რატომ არ ამოდისო, – ამბის გასაგებად მოხუცი ძირს ჩამოსულიყო.

– მამიკოსგან წერილი მივიღე! – შესძახა ფრიდონამ. ხვთისავარ პაპას კონვერტი უჩვენა და სთხოვა – ჩქარა წამიკითხე, მამიკო რას იწერებაო.

მოხუცმა იცოდა, ბიჭი რა მოუთმენლი იყო, ცხვირზე სათვალე მოირგო, კონვერტს ერთი კიდე წააფხრინა, იქიდან ორად მოკეცილი ქალაღი ამოიღო და ხმამაღლა წაუკითხა:

გამარჯობა, ფრიდონ!  
– ხემა ბიჭო, გილოცავთ ზედნიერ  
ახალ წელს შენ, დედას და ხვთისავარ  
პაპას! წლეულს უხელოდ მოგიწევთ  
ახალ წელთან შეხვედრა. ჯერჯერობით  
ვერ მოვიღივარ, მელოდეთ, ძველით ახალ  
წელს თქვენთან ვიქნები.  
პაპა

ხვთისავარ პაპამ წერილი ისევ ორად მოკეცა, კონვერტში ჩადო და თქვა:

– ავიდეთ ზევით, დედა გავახაროთ!

პაპა და შვილიშვილი ზემო სართულისკენ ამავე კიბეს აუყვებენ.



# ბერები და ქოხის ბახარები

# მუსა და ციყვი



– სადა ეოფილხართ, ბელებო,  
რად ხტუნავთ, ან რა განარებთ?  
უკვირთ ბელების ცელქობა  
ქორის ონავარ ბახალებს.  
– მთელი ტეე შემოვიარეთ,  
ვჭამეთ მოცვი და მუვალი,  
სედ დავაყოლეთ ტეემალი  
და ჰანტა, დაბლა ნაყარი.  
– ეგ ხომ ისედაც გეტეობათ,  
დაგწითლებიათ დრუნხები,  
ანლა სად მიგეჩქარებათ,  
რომ ვადმოთელეთ ბუჩქები?  
– ჩხიკვებმა კარგი ამბავი  
შეგვანტეობინეს ამ დილით –  
მოცხარი დამწიფებულა,  
ჩვენს მალალ მთაში გაწრდილი,  
ანლა იქითკენ მივდივართ,  
დაგვხვდება კარგი სადილი...  
– მერე ჩხიკვების ნათქვამი  
თქვენა გკონიათ მართალი?  
– მართალი განლაავთ, იმავეს  
გვიდანტურებენ ევავები,  
თქვენც თუკი წამოგვკვებოდით,  
ძალიან გავინარებდით.  
– აბა, რას ამბობთ, ბელებო,  
მოცხარს არა ვჭამთ, ხომ იცით?  
დღეს სანადიროდ მივდივართ  
და თქვენთვის როგორ მოვიცდით?  
– თქვენი ტრახახი ვის ჯერა?  
თავი გკონიათ გმირები,  
არ მოსცდეთ – მთელ ტეეს ეოფა  
ის თქვენი ნანადირევი.  
ჩვენთან წამოხვლა გერჩიოთ,  
ანალ ხილს გაჭმევთ, განა ძველს? –  
ანძახეს ქორებს ბელებმა  
და გზა ხითხითით განავრძეს.

სამთარია, ნისლიან ტეეს  
ეფინება ფიფქი ციდან.  
მობუსულა მუსის ძირას  
ციყვუნია, ერთი ციდა.  
მუსა უხმობს: – ჩემთან მოდი,  
მე გაგათობ, თუ შეგცივდა!...  
შეიფარა ფულუროში,  
ხმელ ფოთლებზე მიაწვინა,  
რკოც მრავალი დანახვედრა,  
ათამაშა და აცინა,  
მერე ზღაპარი უამბო,  
ბოლოს, იქვე მიაძინა...



მხატვარი  
მალსაზ კუსაშვილი

წინო არსენაშვილი



# თნი პნბლი წელი

– შობა-ახალ წელს მოგილოცავთო! – იტყოდა ბებიჩემი და კიდევ ბევრ სალოცავ სიტყვას მოაყოლებდა. სულ უკვირდა: კალენდარი თუ ცამეტი დღით გადასწიეს, ახალი წელი პირველ იანვარს როგორღა იქნებოა?! ჯერ შობაა და მერეა ახალი წელიო.

1 იანვარს, დედასა და მეზობლების ხათრით, თვითონაც ფუსფუსებდა, საქმიანობდა, მაგრამ სულ სხვა იყო შობისწინა სამზადისი; პურს გამოაცხოვდა, ნაზუქებს, ბასილებს, ხმლებსა და ნამგლებს. ხმლებსა და ნამგლებს ბიჭებს დაურიგებდა, თუმცა ნამგლებს გოგონებსაც მოგვცემდა; მსუყეგულიან ნაზუქებს დაგვიჭრიდა, ლოცვას იტყოდა და ისე მიგვიწვევდა სუფრასთან, რომელიც სხვადასხვა გემრიელი საქმლით იყო სავსე. ღვინოც ჩვენი გვქონდა. სუფრის თავში თამადად პაპა დაჯდებოდა, ჯერ ღვთის სადიდებელს იტყოდა, მერე ფუძის ანგელოზსა და ოჯახს დალოცავდა, თითოეულ წევრს მოგვესიყვარულებოდა, წინაპრებს გაიხსენებდა; მომავლისას ბავშვების სადღეგრძელოსთან ერთად შესვამდა; მეზობლებს დალოცავდა, მეგობრობას, სიყვარულს, ქვეყანასა და მის სალოცავებს და ბოლოს ყოვლადწმინდა ღვთისმშობელს შეავედრებდა ყველაფერ ამას. სადღეგრძელოების შუალედში ხან ლექსებს

გვათქმევინებდა, ხან ვცეკვავდით, ხან ვმღეროდით. – მალე ახალი წელი მოვა და ღორიც დავკლათო, – იტყოდა. ბებო კვირვობდა: ორი ახალი წელი, ნეტავ, რა საჭიროა, ეს რა უცნაური ქვეყანაა, ერთხელ ახლით ახალ წელს ვხვდებით, მეორედ – ძველით ახალსო; განა ერთი ახალი წელი არ გვეყოფოდა; განა არ შეიძლებოდა, 7 იანვარს შობა გვედღესასწაულა და 14 იანვარს ახალი წელიო. ხომ არის ქვეყნები, სადაც მაინცდამაინც 1 იანვარს არ დგება ახალი წელი და ჩვენც იმათ მსგავსად ვყოფილიყავითო.

– კარგი, დამშვიდდი. რა არის ამაში ცუდი? ჩვენც ორჯერ აღვნიშნოთ. თუ ახალი წელი არ მოგწონს, ძველი წლის გაცილება დავარქვათო. ახალი წლის მეორე დღეს კიდევ ხომ ბედობას ვეძახით და ორშიც ვქეიფობთ; მერე შვიდში შობას ვხვდებით, 14-ში – ძველით ახალ წელს, 15-ში – ბედობას, 19-ში – ნათლილებას, 27 იანვარს წინობაა – შენი მფარველი წმინდანის ხსენების დღეო, – ჩამოთვლიდა პაპა და თან უღვაშებში ეღიმებოდა – ვიქეიფოთ მთელი იანვარი, რა უშავსო.

– შენ ყველაფერზე ხუმრობა გიყვარსო, – ჩაიჯუჯღღუნებდა ბებიჩე და სიყვარულით მოგვავლებდა მზერას მასპინძლებსაც და სტუმრებსაც.

მე ვფიქრობ, რომ ბებო მართალი იყო... და კიდევ ვფიქრობ, რომ პაპაც მართალი იყო.

მე ასე ვფიქრობ, შენ?

## იპოვე ექვსი განსხვავება

მხატვარი ნატა კუცია



# თვლის გუნდა დათუჩები

ზამთრის ქარი ზუზუნებს...

გაიღვიძა დედა დათვმა, გაიზმო-რა, გაიხედა გარეთ... თურმე მთელი ტყე ფუმფულა თოვლით დაფარულა... გამხიარულდა დედა დათვი, სულ ყირაზე გადადის...

აილო უზარმაზარი ცოცხი, გვის, თან მღერის, ისე მღერის, ბუნაგი ზანზარებს. ცოცხს აქეთ-იქით ურახუნებს, თან ცეკვავს...

ისე გაერთო ცეკვა-სიმღერით, უნებურად ნაგავს პანანინა ბელებიც გააყოლა. მიაჯახუნა კარი და გადარაზა, ცოცხი კართან მიაყუდა. ებლა-უჭებიან ბელები კარს, მაგრამ ვერ აღებენ, სცივათ, სლუკუნებენ საცოდავად... დედა დათვი კი მღერის და სულაც არ ესმის მათი სლუკუნი.

- სანამ დათუჩები გაიღვიძებენ, ღვეზელებს გამოვაცხოზ...

დაიბანა ხელ-პირი, ღლინებს, და ღვეზელებს აცხოზს, დათუჩები კი გარეთ კავკავებენ...

დედა დათვმა მრავალგვარი ღვეზელი გამოაცხო: კომმის, ვაშლის, პანტის, შვინდის... ერთი სიტყვით, ყველა იმ ხილის, რაც ტყეში მოიპოვება... გაანყო სუფრა, ცხელი კომპოტი ფინჯნებში ჩამოსხა, მივიდა ბელებთან, უნდა გააღვიძოს...



სად არიან ბელები?! ეგ ცელქები! უკვე გაუღვიძიათ და გაპარულან. ალბათ, გარეთ, თოვლში თამაშობენ... გაცივდებიან და მოხვდებათ! აბა, ერთი რომელიმემ დაახველოს!!!

მხატვარი კესო ფრანგიშვილი, 10 წლის



გააღო ბუნაგის კარი, გაიხედა. ახლომახლო ბელეების ჩამიჩუმიც არ ისმის...

ხედავს, თოვლის გუნდები მოძრაობენ... ეს რაღა ჯანდაბაა?! დედა დათვის არასოდეს უნახავს მოსიარულე თოვლის გუნდები და გაცეხული უყურებს. ჯერ თათი მოუსვა, მერე გადააგორ-გადმოაგორა და სათითაოდ დაყნოსა, ბელეების სუნი იგრძნო, ოღონდ ვერ მიხვდა საიდან... რას მოიფიქრებს ამ გუნდებში გაყინული დათუჩები სხედანო. ბოლოს გუნდა-ბელეები ბუნაგში შეყარა – ჩემს დათუჩებს უცნაური სათამაშოებით გავახარებო...

მიდის დედა დათვი ტყეში, ეძებს დათუჩებს, ეძახის, ეძახის, მაგრამ ხმას არავინ სცემს...

ციყვებმა, ხის ტოტებზე რომ დახტოდნენ, დედა დათვის თოვლი დააყარეს და დასციინეს...

ამასობაში დათუჩები ღუმლის სითბომ გააღებო, შემოდნათ ყინული, გათბნენ, დაინყეს თამაში...

დედა დათვი დაიღალა ბელეების ძებნით, მაგრამ ამაოდ, მათ ნაკვალევსაც ვერ მიაგნო... ლამის ატირდა... იქნებ, ბუნაგში დამემალნენ? მაგალითად, ღუმლის უკან, ან ცოცხის უკან, ან სანოლქვეშ, ან გოდრის უკან... და სათითაოდ ჩამოთვალა ყველა ის ნივთი, რაც აბადია, სულ მცირე ოცდაათჯერ მაინც. გააღო ბუნაგის კარი და რას ხედავს?! თამაშობენ ბელეები, ცელქობენ, კინკლაობენ.

მოსიარულე თოვლის გუნდები გამქრალან... ღუმელთან წყლის პატარა გუბე დგას...

გამხიარულდა დედა დათვი... ეხუტება დათუჩებს... ასე აღარ დამემალოთ, აღარ გამაბრაზოთ! სად არიან ის უცნაური სათამაშოები?! ალბათ, დაიმალნენ – ან ღუმლის უკან, ან ცოცხის უკან, ან სანოლქვეშ, ან გოდრის უკან... და კიდევ ოცდაათჯერ მაინც ჩამოთვალა ყველა ის ნივთი, რაც ებადა. რა თქმა უნდა ვერსად წაანყდა. ალბათ, გარეთ გამეპარნენო!..

დედა დათვი ვერ ხვდება, საიდან გაჩნდა ღუმელთან წყლის გუბე.

სუფრაზე კი გემრიელ ღვებულებს ისევ სასიამოვნო ოხშივარი ასდის...

მხატვარი  
**ანნა კანდელაკი**



# სად როგორი თოვლის პაპა ჰყავთ?!

ახალი წელი ერთ-ერთი უძველესი და ყველაზე მხიარული დღესასწაულია დედამიწაზე. მას სხვადასხვა ქვეყანაში განსხვავებულ დროს აღნიშნავენ. ყველა ქვეყნის ტრადიციები ერთმანეთისგან განსხვავდება.

საქართველოში, ისევე, როგორც ევროპის ბევრ ქვეყანაში, აშშ-სა და ავსტრალიაში, ახალი წელი 1 იანვარს იწყება.

ყველა ქვეყანაში თოვლის პაპა სხვადასხვანაირად გამოიყურება და განსხვავებული სახელი ჰქვია. თუმცა, ერთი რამ ყველა მათგანს აერთიანებს – მათ დამჯერი ბავშვებისთვის საახალწლო საჩუქრები მოაქვთ და, თუ თქვენც გინდათ, საახალწლოდ სანუკვარი საჩუქარი მიიღოთ, მთელი წელი კარგად უნდა მოიქცეთ – თოვლის პაპა ხომ იმ ბავშვებს ასაჩუქრებს, ვინც დედ-მამას უფერებს, კარგად იქცევა და ბეჯითად სწავლობს.

## მოამზადა ბელა გველესიანმა



ბელგიასა და პოლონეთში საახალწლო ბაბუა **წმინდა ნიკოლოზია**. როგორც უძველეს ლეგენდაშია მოთხრობილი, მან ოქროს ვაშლები დაუტოვა იმ ოჯახის ბავშვებს, რომელმაც შეიფარა. წმინდა ნიკოლოზს თეთრი მანტია მოსავს და ცხენზე ამხედრებული მოგზაურობს თავის მსახურთან ერთად, რომელიც ბავშვებისთვის განკუთვნილი საჩუქრებით სავსე მძიმე ტომრის ტარებაში ეხმარება.

ამერიკელ ბავშვებს თავიანთი თოვლის პაპა ჰყავთ, სახელად – **სანტა კლაუსი**. მას წითელი ფერის სამოსი აცვია და თავზეც წითელი ფერის ჩაჩი ახურავს. სანტა ირმების მარხილით მოფრინავს და პატარებთან ბუხრის საკვამლე მილით ჩადის, რათა საჩუქრები კედლებზე ჩამოკიდებულ ფერად-ფერად წინდებში ჩაუნყოს.



ფრანგ ბავშვებს საახალწლოდ თოვლის პაპა **პერ ნოელი** სტუმრობს, მას თავზე ფართოფარფლებიანი ქუდი ახურავს და ხელში კვერთხი უკავია. იგი ბავშვებისთვის საჩუქრებს პირდაპირ ბუხრის საკვამურში ტოვებს.



შვედი ბავშვებისთვის იქაური თოვლის პაპა, **იულ ტომტენი**, საჩუქრებს ღუმელთან ტოვებს. შვედეთში ერთმანეთს თვითნაკეთ სანთლებს ჩუქნიან, რაც მეგობრობის, სიკეთის სიმბოლოა.





გერმანელი თოვლის ბაბუა ვაინახცმანი საჩუქრებს ბავშვებს ფანჯრის რაფაზე უტოვებს. იგი ვირით მოგზაურობს.



ჰოლანდიელ თოვლის პაპას სანდერკლასი ჰქვია, კოლუმბიელს პასკუალი, ხოლო ირლანდიელს – დაიდ-ნა-ნოლაგი.

უზბეკი თოვლის პაპა კორბოზო ვირზეზის და ისე ურიგებს ბავშვებს საჩუქრებს. მას თან ახლავს თოვლის გოგონა კორგიზი.



იტალიაში ახალ წელს ბავშვებთან სტუმრად მიდიან თოვლის პაპა ბაბო ნატალე და კეთილი ფერია ბეფანა. დამჯერ ბავშვებს ისინი საჩუქრებს აივანზე უტოვებენ.



იაპონიაში ახალი წლის დადგომას ყველა ღიმილით ხვდება. იაპონელებს მიაჩნიათ, რომ თუ ახალ წელს სიცილით შეეგებებიან, ის წელი ბედნიერი იქნება. იაპონელ თოვლის პაპას ოძი-სანი ჰქვია.

ჩინელ ბავშვებს ჩინელი თოვლის პაპა შან ძან ლაოძენი მათთვის განკუთვნილ საჩუქრებს წინდებში უწყობს.

ყველაზე უცნაური სახელი ფინელ თოვლის პაპას ჰქვია – იოულუ-პუკი, რაც საშობაო თხას ნიშნავს. დიდი ხნის წინათ ფინელ თოვლის პაპას თხის ქურქი ეცვა და ბავშვებს საჩუქრებს თხაზე ამხედრებული ურიგებდა.



საბერძნეთსა და კვიპროსზე თოვლის პაპას ნმინდა ვასილი ჰქვია, ესპანეთში (ბასკეთში) – ოლენცერი, რუმინეთში – მოშ ჯერილე, ჩეხეთში – ბაბუა მიკულაში.



საჩუქრები საქართველოშიც ჩვენს კეთილ, თეთრნაბღიან თოვლის პაპას დიდი ხურჯინით მოაქვს. ვინც ყველაზე დამჯერი იქნება, ის ყველაზე კარგ საჩუქარს მიიღებს!



# მეფეზე ჭკვიანი ბიჭი მონსი

(შვედური ხალხური ზღაპარი)

იყო და არა იყო რა, იყო ერთი უთვისტომო ბიჭი მონსი. ყველანი ჭკვიან ბიჭს ეძახდნენ. ხელმწიფის ყურამდეც მივიდა მონსის გონიერების ამბავი და მისი ნახვა მოისურვა. უნდოდა დარწმუნებულიყო, მართლა ასეთი ჭკვიანი თუ იყო.

ერთ მშვენიერ დღეს მონსი მეფის სასახლესთან მივიდა და ქუდი მოიხადა.

- რა გქვიაო? - ჰკითხა ხელმწიფემ.
- მონსი მექვიაო, - მიუგო ბიჭმა.
- მართლა ისეთი ჭკვიანი ხარ, როგორც ამბობენო?
- რა მოგახსენოთ, ასე ამბობენო...
- ერთ შეკითხვას მოგცემ, - უთხრა მე-

ფემ, - თუ ახლავე ვერ მიპასუხებ, დილეგში ჩაგაგდებ და იქ მთელ დღეს იფიქრე. აბა, მითხარი, მზის შუქი უფრო თეთრია თუ რძეო?

- მზის შუქი უფრო თეთრიაო, - მიუგო ბიჭმა.

- სტყუი, - უთხრა მეფემ, - ვისაც მზით განათებული ქობის იატაკი და იქვე დაღვრილი რძე უნახავს, ყველა იტყვის - რძე უფრო თეთრიაო.

მონსი დილეგში ჩააგდეს და როფით რძე დაუდგეს.

ნასადილევს მეფე მონსის სანახავად მივიდა, აინტერესებდა, დილეგში რას აკეთებდნენ.



მხატვარი  
როანა ხელაგია

კარი რომ შეალო, ზღურბლზე დადგმული რძიანი როფი ვერ შეამჩნია, ფეხი წამოჰკრა და დაეცა.

– ხომ დარწმუნდი, მეფეო, რძე მზის სხივზე ნათელი რომ იყოს, როფს ფეხს არ წამოჰკრავდიო.

მეფეს არ ეჭაშნიკა მონსის პასუხი. შინ წასვლა და სახვალიოდ მოსვლა უბრძანა, ოღონდ, არც დღისით მოხვიდე და არც ღამით, არც შუა გზაზე იარო და არც ფერდობზე, არც ცხენით მოხვიდე და არც ქვეითად, არც ტანთ ჩაიცვა და არც შიშველი იყოო. როცა მოხვალ, არც შემოხვიდე და არც გარეთ დარჩეო.

წავიდა მონსი. მეორე დღით ბიჭი ირმის ტყავის მოსასხამით დაბრუნდა. მართლაც, არც ჩაცმული იყო და არც შიშველი. მეფის სასახლისაკენ მიმავალი არც გზით მიდიოდა და არც ფერდობით – გზისპირა თხრილებს მიუყვებოდა. ცალ ფეხზე საცერი ჩამოიცვა, მეორეზე ჯაგრისი. გამთენიისას მეფის სასახლეს მიადგა და შესასვლელთან შეჩერდა: ცალი ფეხი ზღურბლზე ედგა, მეორე – კიბეზე.

ხელმწიფე უკვე ამდგარიყო და სასეირნოდ გამოსულიყო. მინაზე საცრისა და ჯაგრისის კვალი შეამჩნია. გაოცდა და მონსისაკენ გაეშურა. მონსიმ მოახსენა – თქვენი ბრძანება შევასრულე, გეახელითო. მეფემ მონსი დაითხოვა და სახვალიოდ მოსვლა უბრძანა. მეორე დღით მან მონსის ავი ძაღლებით შეშინება განიზრახა. ბიჭმა ძაღლები ადრევე შეამჩნია, მიხვდა ხელმწიფის განზრახვას და ისიც მოიფიქრა, თუ როგორ უნდა მოქცეულიყო. მეორე დღით სასახლის ეზოში შევიდა თუ არა, ძაღლები ადგილს მოსწყდნენ და გაავებული ყეფით მონსისაკენ გამოეჩანნენ. მონსიმ მშვიდად ამოიყვანა უბიდან ცოცხალი კურდღელი და ძაღლების წინ გაუშვა. ძაღლები კურდღელს დაედევნენ. კურდღელმა ტყისკენ მოუსვა და მიიმალა. ეს ისეთი სასეირო სანახავი იყო, მეფე იდგა და გულიანად იცინოდა. მასთან ერთად მსახურებიც ხარხარებდნენ.

მე მგონია, ისინი მეფეს დასცინოდნენ, მონსის გამოჭერა რომ ვერ მოახერხა.

თარგმანი  
ლოლო სიმპიაშვილი-ვადაჭკორიასი

# მზაობა უანი ხელით



მოამზადა  
6 წლის  
ანი გიგაშვილმა



# განათლება

შევიბუდებთ უფულა სახლში სამთრი რომ მოვა,  
დაეძვება თეთრი ფარდა-თეთრ ფანტელტა თოვა,  
საკვამური გახსნოლებს ბოლქვა უაღიონებს,  
სქელი ხისლი გადაკვრება ცაზე ალიონებს.

ეინვა თითებს გაგვითოშავს თამაშისას ბავშვებს  
- არ გაცივდეთ ონაწრებო! დედა დაგვიძახებს.  
გასათობად ამოგვიგებს ბებო მატყლის საბანს,  
გრძელი ღამე მოგვიყვება სისმრად სამთრის ზღაპარს.

## უაღიონი

ფანტელებს თეთრად  
ქათქათა ზეწრად  
ჩამოგვაფიფქავს მალლიდან ზეცა.

მიწა ჩათბება  
ძილში იფიქრებს:  
დამაფარაო საბანი დედამ.


## საკითხი

დაიბინე, გენაცვალე, ძილს მიეცი თავი,  
ნუ შეგაკრთობს სამთრის ავი, მოზუსუნე ქარი.  
თოვლი მოდის, შეიმოსა თეთრად მთა და ბარი,  
გახაფსულსე გავაღვიძებს შენ ნათელი დარი.

მხატვარი  
თაბაჩია

- თოვლის პაპა,  
დიდი მადლობა  
საჩუქრისთვის!  
- არ ღირს  
მადლობის  
გადახდა, ჩემო  
პატარა.  
- მეც ვიცი, რომ  
არ ღირს, მაგრამ  
დედამ დაიფინა.

- მამიკო, მამიკო, აბა,  
გამოიცანი, რომელი  
მატარებელი დაიგვიანებს  
ყველაზე მეტად?  
- რომელი, შვილო?  
- რომელი და, რომლის  
ჩუქებასაც შენ ჯერ კიდევ  
შარშან შემიპირდი.



- ნინო, მოდი, წელს  
პატარა ნაძვის ხე  
ვიყიდოთ, ლამაზია  
და ადგილიც პატარა  
დასჭირდება.  
- მერე, თოვლის  
პაპამაც პატარა  
საჩუქრები რომ  
მოგვიტანოს?!

ხიზიხიზი

ჯემალ დოგორჯბინია

სასაქალაქო ვილოცვა

ვარსკლავმა გამოუგზავნა  
ბარათი ჩემს დას ფიქრის,  
ეს საახალწლო ბარათი  
თოვლის ფუმფულა ფიფქია.



ლალი ჯაფარაშვილი

გაუბრება

გამოთალა კომბალკეტი  
კომბლემ შვიდზე ორით მეტი,  
ეცოტავა, რომ დათვალა,  
კიდევ ათი გამოთალა.  
კომბლებსა თლის, ჭერში ანცობს,  
რუხი მგლები შიშით თრთიან;  
მოდი, უფრო შევაშინოთ,  
- თქვი, რამდენი გაუთლია?

მხატვარი  
ნატა კუცია

იკოვანე ორი ერთნაირი ნახატი



# გეოლოგების შობა-ახალ წელს!



მხატვარი ნატა კუცია



მთავარი რედაქტორი: ღოდო ნიჰნიჰაძე  
ნახატი ყდაზე: გიორგი მალრაძისა  
მის.: ზანდუკელის ქ. 1, ტელ.: 2 93 69 77; 2 72 51 77  
<http://www.dila.ge>, ელ-ფოსტა: [dila1904@yahoo.com](mailto:dila1904@yahoo.com), facebook: საბავშვო გამომცემლობა დილა  
ფასი: 2.50 ლარი

ჟურნალი გამოდის საქართველოს კულტურისა და ძეგლთა დაცვის სამინისტროსა და სსიპ „მწერალთა სახლის“ მხარდაჭერით.

